

重修兩淮鹽法志

兩淮鹽法志卷一百十二

徵權門

淮南奏銷

一

淮南額引最重至嘉慶之末其法大敝道光三十年甫行票法而引地旋陷迨巨寇蕩平因時變通乃徵課於淮收釐於岸設督銷局以保運價設儀棧以保場價各岸派引認運挨次循環以課釐並計淮南爲數最鉅凡京外緊餉各路防需皆取給於此故奏銷分上下半年春於二月秋於八月較行綱鹽時法尤善焉若能盡復引地鹽有銷路課有來源則鹺政不敝之規在是矣今

首列綱鹽奏銷始康熙訖咸豐要之以同治光緒閒見  
行票法爲斷志淮南奏銷

康熙十六年十一月巡鹽御史郝浴疏臣見用滾綱舊法  
公取資重引多之人籤二十四名盡以散商分隸其下  
一切納課杜私皆按名責成並諭以綱食諸鹽務期赴  
場早築赴所早掣赴岸早銷一剷積習據眾商稟稱開  
江之後緯纜逆流動稽時日及到地方亦須時值稍酬  
方可賣銷不致有虧成本且江廣一帶皆係用兵地方  
懇賜題請展限臣查江淮附近州縣易於運銷毋庸請  
展外其湖北江西請照浙江等處用兵事例一體展限

經九卿詹事科道會議覆准仍將二十四商及分隸散商姓名籍貫造冊報部又鹽差於七月交代鹽引於十一月奏銷後改爲十月交代今將鹽引仍於十一月奏銷則爲期甚迫以後相應將鹽引亦改於每歲次年六月與鹽課一同奏銷

雍正二年十二月巡鹽御史噶爾泰疏言癸卯綱錢糧應於雍正三年二月內奏銷但兩淮錢糧俱係按引完納必俟鹽完方能課足仰懇寬至雍正三年六月造冊題報部議應如所請其甲辰綱鹽引仍照限奏銷

雍正四年五月巡鹽御史噶爾泰疏言兩淮錢糧歲供二

百餘萬必得一年之催徵方清一綱之額課甲辰綱自  
上年七月開徵應至六月奏銷方足一年之限若遵於  
二月奏報計八月之徵輸實不能清一年之課額勢必  
捏報全收若照已收實在之課截數造報難免開眾商  
逋欠之門請將甲辰綱奏銷扣足一年仍於六月內造  
冊奏報著爲定例奉

特旨允行

雍正六年五月巡鹽御史噶爾泰奏兩淮丙午綱引鹽因  
湖廣去秋被水歉收運去之鹽壅滯難銷轉輸不繼又  
因宜陵鎮至泰州六十里以及儀徵之天池東關麻石



雍正八年四月巡鹽御史噶爾泰奏兩淮丙午綱至九月  
奏銷十一月考核迨至丁未綱奏銷之時僅止三月之  
期各商情願將戊申一綱分年帶運提行己酉並請將  
丁未奏考各寬三箇月永以爲例部覆仍寬限三箇月  
後不爲例茲己酉綱於上年十月內開徵辦運臣謹遵  
部覆按月分限計日嚴催務令六月通完以副奏報今  
據運使范廷謀詳據眾商呈請自己酉綱定期九月奏  
銷十一月考核永著爲例臣查兩淮各商辦運引鹽必  
將前鹽運至口岸銷售課銀以充後運資本卽口岸之  
民亦係一月買食一月之鹽必分十二箇月完納辦運

方克副奏考二限今己酉綱並帶行戊申一分課鹽奏  
限迫促不獨口岸一時不能驟銷卽各商捆運亦一時  
不能齊全實在轉輸不及萬難於九箇月之內依限足  
額請自己酉綱起於九月奏銷十一月考核著爲定例  
戶部議覆兩淮引鹽前因壓綱運銷是以將己酉綱提  
上一年以符年銷年額今因提上一年以致不能依限  
辦運設將來再有遲延必至仍復壓綱運銷但見今己  
屆六月己酉綱錢糧勢難依限奏考且歷年以來已准  
展限三月今欲於九箇月之內依限足額商力轉輸實  
有不能臣等酌議兩淮奏考固不能驟歸原限然可以



漸而復應將己酉一綱暫准九月奏銷十一月考核至  
庚戌綱令其提上一月於八月奏銷十月考核辛亥綱  
再提上一月於七月奏銷九月考核至壬子綱仍遵照  
定限奏考

雍正十年二月兩江總督高其倬覆奏鹽政伊拉齊陳奏  
庚戌一綱限止十一箇月依限奏報實非易事經大學  
士蔣廷錫議覆查雍正八年六月御史噶爾泰奏請兩  
淮奏報自己酉綱起九月奏銷十一月考核永著爲例  
部議將己酉一綱暫准於九月奏銷十一月考核至庚  
戌綱令其提上一月辛亥綱再提上一月至壬子即可

遵照定限奏考今伊拉齊以庚戌綱限止十一箇月不  
獨一綱之課仍加帶辦戊申一分課銀再加以鹽規公  
務薪水是歲額之外多至百萬兩斷不能依期奏報應  
暫照所請以九月奏銷十一月考核如將來各項已清  
之後應仍照部原議每綱提上一月歸於六月奏銷八  
月考核部議該督所奏與大學士原議相符應暫照伊  
拉齊所請行不可作爲定例

乾隆元年六月署理鹽政尹會一等奏鹽政衙門例應按  
綱題報考核向因九月奏銷故於十一月考核今兩淮  
丙辰綱鹽課已於乾隆二年二月奏銷若仍於乾隆元

年十一月考核則相距奏期尙隔三月鹽課等項礙難核造應請寬限至乾隆二年四月題報考核仍請嗣後折價隨同鹽課二月奏銷於四月題報考核著爲定例戶部議覆應如所請於乾隆二年二月奏銷於四月題報考核至所稱著爲定例之處查丙辰綱鹽課係奉

特恩以新頒引鹽甫到口岸展限至乾隆二年二月奏銷若嗣後鹽引可以按期請領行銷其鹽課考核自應遵照舊例題報年清年額未便著爲定例應令該鹽政嗣後鹽課錢糧仍遵照舊例九月奏銷十一月考核

乾隆二年四月尹會一奏臣前題奏銷考核期限一案奉

部議覆嗣後應遵照舊例九月奏銷十一月考核臣查丙辰綱鹽課本年二月始行奏銷所有丁巳綱新引見今請領行運自二月至九月僅得半年之期完納全年課餉商力實有未能應懇仍寬至次年二月奏銷四月考核俟將來口岸暢銷漸提復舊再行具奏戶部議覆見今挑挖運河誠恐鹽斤銷售維艱課餉難於完納况淮南丁巳綱正運引鹽未築壩以前運到儀所過掣者其應納錢糧欽奉

上諭緩至奏銷時全完所有丁巳一綱鹽課應暫准於戊午年二月奏銷四月考核後不爲例

乾隆三年十月署鹽政徐大枚等奏兩淮戊午綱鹽課錢糧於本年二月丁巳綱奏銷之後始行開徵計至九月僅止九箇月之期爲時迫促商力難舒前經鹽臣三保題請仍於己未年二月奏銷四月考核永著爲例隨奉部覆仍令九月奏銷十一月考核今據運司蘇霖宏詳稱兩淮綱食眾商所辦課鹽倍於他省課從引出引逐鹽銷二月至九月實止七月之期各場竈逐日產鹽有數七月之內不能倍產一年之鹽各口岸每歲銷售有額七月之內不能增銷一年之引鹽既未出引尙虛懸課從何辦卽使峻法催追竭力賠墊而舊鹽未完新引

復至不特眾商有拮据之苦亦恐引目有積壓之虞實難拘以前例而勒其九月奏報也今戊午綱鹽課僅七箇月之期自不能趲辦一綱之課再乙卯未經提出之先於九月奏銷實屬遲壓半年自乙卯提出之後於二月奏銷則年綱相符並無遲壓臣覆加察核本年戊午一綱實難以七箇月之期完納一綱之課請將戊午綱賞足一年之限仍於己未年二月奏銷四月考核並請永爲定例庶不致每屆奏期輾轉陳情戶部覆議戊午綱鹽課既僅止七箇月之期自不能趲辦一年之課兩淮引繁課重嗣後自應俱以二月奏銷年清年額定爲

章程且查長蘆山東河東等處本年鹽課俱於次年奏銷今兩淮戊午綱鹽課錢糧應遵照丙辰綱

諭旨於己未年二月奏銷四月考核嗣後永著爲例以歸畫一

乾隆二十年十二月鹽政普福奏兩淮額行綱食引鹽例應年運年銷因本年自春以至八月陰雨連綿加以潮西二水浸漫場鹽歉產不能及時配運雖見在江廣存岸在途鹽斤可銷至明年正二月間民食不致有缺而按期額運之引不免壅滯截至十一月十五日乙亥綱尙有未配正引並預提引一百五十三萬餘道復有前綱積壓未銷之殘引明年二月卽係奏銷之期必不能

依限配運且岸鹽未售轉輸不繼課無從出商力殊多拮据惟有寬展限期俾得稍舒商困請將明年二月乙亥綱奏銷展限六箇月於八月內造報以後自丙子綱起按年遞上一月奏銷至辛巳綱即可仍照定例於二月造報奉

旨著照所請行二十一年七月戶部議覆普福等會題兩淮乙亥綱鹽課已奏准展至八月奏銷所有該綱錢糧考核應如所請亦距奏銷兩月於十月內造冊具題嗣後按年遞上一月至辛巳年仍照舊例於二月奏銷四月考核其各場折價錢糧亦照例隨同鹽課一併造冊奏銷



奉

旨依議欽此

乾隆二十三年七月戶部覆准鹽政高恆呈兩淮經徵鹽課錢糧先於乾隆二十年乙亥綱奏准展限於八月奏銷十月考核以後丙子等綱按年提上一月至辛巳綱仍復原限今欽奉

上諭將戊寅一綱停運所有從前并丁丑綱未運之引定於八箇月內埽數全銷以副二月奏銷原限是丁丑綱奏銷既在己卯年二月則考核亦應於己卯年四月造報

乾隆三十五年正月鹽政尤拔世奏乾隆三十四年通泰

海三屬各場雨多歉產各口岸亦多被水行銷不暢查淮南綱食引鹽存岸在途并見在報運共有七十三萬六千四百餘引仍有未運八十四萬三千八百餘引淮北綱食各岸存岸在途及見在報運共有十五萬九百餘引仍有未運三十四萬一千四百引統計淮南北截至三十四年十一月底除已運外尙有未運鹽一百一十八萬四千四百餘引二月內卽屆奏銷斷不能如期全運請將己丑綱奏銷照乙亥綱之例展限六箇月於八月內造報自庚寅綱起按年提上一月至乙未綱仍照定例於二月內奏報經部議駁奉

旨著照所請行所有考核之期亦循例題准並展

乾隆四十年十一月鹽政伊齡阿奏上年泰屬各場被旱  
歉產本年夏秋復因場河淺阻未能及時運行致乙未  
綱額引壅滯截至閏十月底尙有未配正引及預題引  
共一百三萬數千餘道轉瞬明年二月奏銷之期斷不  
能全運完額請將乙未綱奏銷照乙亥己丑兩綱之例  
展至八月造報自丙申綱起遞年提上一月至辛丑綱  
復歸二月奏報經部議駁奉

特旨允准考核之期亦循例題准展限

乾隆四十七年十二月鹽政伊齡阿奏兩淮引鹽壅滯商

人辦課稍艱請將壬寅綱奏銷展至明年八月題報仍俟戊申綱復歸二月原限經部議駁旋經覆奏本場所未配本綱鹽斤尙有九十餘萬引若責令按期完課在營運充裕者自可勉力急公而資本停積者難免辦理竭蹶不得不爲設法調劑仰懇將壬寅綱來年二月奏銷展至五月仍自癸卯綱遞年提上一月至乙巳三綱復歸奏銷原限奉

旨著照所請行考核之期亦循例題准並展

乾隆五十年十二月鹽政全德奏兩淮壬寅綱錢糧奏銷經前鹽政使齡阿奏准展限三箇月自癸卯綱起每年

提上一月至本年乙巳綱卽應仍歸明年二月奏銷原  
限惟是本年適遇天旱異常場河淺阻各商竭力辦運  
節節起駁時日稽遲加以安徽湖廣各口岸亦因被旱  
銷鹽較少以致額引停滯非惟不能帶銷壬寅遞歷之  
鹽并不能銷足一年正額今截至本年十一月淮南綱  
新舊鹽未配者尙有九十一萬餘引轉瞬來年二月卽  
屆奏銷此兩月中勢必不能銷完請照己丑乙未綱  
之例將淮南乙巳綱引鹽展限半年至來年八月奏銷  
仍自丙午綱起每年提上一月至辛亥綱復歸二月奏  
銷部覆准行考核之期亦循例題准並展

嘉慶七年十一月鹽政信山奏近年淮南各口岸除行本  
綱額引外尙有從前提融各引遞年帶銷因湖廣襄鄖  
等府岸銷疲滯水販不前引鹽積壓商本不能轉輸又  
兼本年揚州一帶夏秋雨澤稀少場河乾涸未能及時  
趕運以致見在未運之鹽尙有七十餘萬引加以存岸  
在途未銷之鹽通計有一百三十餘萬引而湖廣江西  
又值被水被旱引鹽更難暢銷至淮北商資素薄岸銷  
素疲本年海州一帶先被雨水淹漫成災夏秋又復亢  
旱場河淺阻直至八月中旬始行開運較往歲爲期更  
促是以發運之鹽甚少萬難趕副奏銷之限請將壬戌

綱來年二月奏銷展限半年以紓商力仍照例自癸亥  
綱起每年提上一月至戊辰綱復歸二月原限奉

旨允准考核之期亦循例題准並展

嘉慶十九年鹽政阿克當阿奏癸酉綱引課奏銷應於本  
年二月內奏報前因湖廣江西兩省鹽引岸銷未暢歲  
有缺額積壓至六十餘萬引欽奉

上諭准展限至七月奈江廣兩岸存岸在途之鹽本屬充足本  
年春夏二季岸銷不暢回課寥寥後運不繼且淮揚通  
泰各屬雨澤愆期場河乾涸不能轉運以至自本年三  
月起至七月止展限期內除請運鹽二十餘萬引外仍

有未請未運鹽四十餘萬引據淮南總商鄒同裕等呈稱資本因滯銷占擱在岸候運又須經年塵封此數月內場鹽又難轉運竭力趕辦實難依限完竣惟有懇請轉奏仰懇

天恩再予展限五箇月儘本年十二月內將未請之四十餘萬引全數請運完竣再行奏銷仍自甲戌綱起按年提上一月至癸未綱止復歸二月原限俾商力得以應期趕辦奴才伏查值此岸銷不暢場運維艱未能趕運完額委屬實在情形不得不再予寬限仰懇

天恩俯准將癸酉綱江廣鹽課再限五箇月於本年十二月奏



銷仍自甲戌綱起每年提上一月至癸未綱止復歸二  
月原限庶得從容辦運再楚西兩岸連年滯銷業經奏  
請嚴定地方官銷引處分各顧考成可期漸暢其通泰  
場河見在上游西水開壩暢流運河水勢充足可以添  
運惟有嚴督各商趕緊源源請運不得再有延誤

道光十一年正月兩江總督陶澍奏道光十年十二月奉  
上諭著將兩淮鹽政改歸兩江總督管理鹽政一缺著卽裁撤  
鍾靈著回京等因欽此臣祇領任事必應整飭所難者兩淮  
凋敝已極見商人能辦運者不過二三十家兼之漢口  
積引不下數千萬硃非三兩月所能罄盡江西情形亦

然前綱既滯則辛卯新鹽卽截清界限於春閒開綱而行抵楚西各岸已在夏秋之際明歲奏銷勢難如期完竣不得不預行陳明其餘未盡事宜容臣隨時察看奏咨辦理俾歸有濟總之鹽法敗壞至此由數十年來積漸而成此時整頓舊章實與重新起造無異亦必由漸而入始能復原奉

上諭明歲奏銷著准其稍寬時日屆期奏明辦理此後仍當年清年款不得復蹈故轍欽此

道光十九年二月鹽政陶澍奏自嘉慶末年口岸滯銷商情困敝大局難支至道光十年漕綱廢壞已一蹶而不

可復振仰奉

特旨裁除鹽政改歸總督管理數年以來如裁浮費散輪規輕課本均能培養商力保固庫儲故自道光元年辛巳綱起至十年庚寅綱止十綱之中淮南商辦課運止有五綱七分而欠帑積至一千九百八十餘萬今自道光十一年辛卯綱起十七年丁酉綱止七綱之中已報過六綱奏銷而帶完乙未一綱亦約有三分之課除十八年戊戌一綱仰沐

天恩准將淮南課融淮北見經督飭運司趕辦奏銷卽日截數移交後任造報外通計已報部撥正款共銀八百八十

四萬三千一百六十七兩九錢七釐仍有專案起解之  
織造銅斤河餉銀一百七十八萬四千二百七十三兩  
二分歷綱解報京外帑利各省鹽規匣費並解京節省  
襍斤變價共銀六百四十四萬二千三百八兩七錢八  
分九釐而在前統引借帑扣留等事八年來從未上瀆  
宸聰且於正額之外完過己庚殘課新疆經費積欠襍價歸還  
墊款共銀三百二十七萬七千三百五十八兩六錢三  
分皆辛卯以前歷前任所欠而帶完於辛卯以後此淮  
南歷綱課運之實情也又淮北改行票法輕本便民課  
額充溢實已大收成效惟淮南引地遠行湖廣江西等

省一切疏引緝私究屬鞭長莫及以致鄰私侵灌口岸  
滯銷新舊引張多形積壓每綱奏銷僅完課八分有零  
雖下綱補足究非於本綱內十分全完而帑利鹽規匣  
費等雜款因口岸緩納銀兩回課較遲報解亦稍從緩  
體察情形實亦淮綱頽廢未易挽回不得不酌盈劑虛  
以期勉籌課運未敢操切從事轉使商情渙散全局難  
以支持至淮北票鹽或有以侵灌淮南爲詞者臣伏查  
道光元年至十年止淮北統運不足三綱而統銷停運  
融南各引共一百七十四萬四千餘道計此十年之內  
淮南統銷停運之鹽亦卽有五百九十餘萬引彼時並

未行票何以北鹽既經積存南鹽又復積滯可見南綱之疲乏非關北票之侵充而自改行票法以來淮北協貼淮南除本年見已徵存之三十數萬餘兩未據運庫報收外實計兩年之內共又代完南課銀九十八萬九千餘兩似乎轉移通變尙堪挹注度支

國計所關不無裨補再查兩淮外支如辦貢辦公等款從前額徵銀七十萬兩仍須加徵不敷銀數十萬兩今自道光辛卯年起或按綱列徵或隨時減完每綱核計支銷不出三十萬兩內外較之往年實已大有節省

咸豐五年十一月鹽政怡良奏淮南暫行試辦就場抽稅

分別岸鹽食鹽前經部覆准行並令按兩月一次奏報  
茲據署運使郭沛霖詳稱抽稅一事於咸豐四年八月  
試辦嗣奉部駁停止本年二月始奉覆奏部覆准行是  
各場奉文先後不一今計自試辦起截至本年七月底  
止通州分司所屬豐利等九場共報抽岸鹽正稅錢四  
千二百二千四百七十二文食鹽正稅錢八千九百三  
十六千四百十五文泰州分司所屬富安等十一場共  
報抽岸鹽正稅錢七千七百八十五千四百九十二文  
食鹽正稅錢二萬八千二百八十二千八十五文又上  
年四月先行試辦抽釐旋即停止截數後泰州分司解

繳食鹽抽釐錢一千二百七十七千二百八十七文設  
卡抽稅解繳錢一千六百六十九千三百四文總共報  
抽稅錢五萬二千一百五十三千五百五十五文內於上年  
年終冊報過錢九千六百三十四千三百五十一文今  
截至本年七月底止造報錢四萬二千五百十八千七  
百四文內除解過揚州糧臺軍需及江甯兵餉共錢二  
萬八千四百十二千二百六十六文仍存錢二萬三千  
七百四十千七百八十九文應請彙俟續收稅錢後一  
併解充兵餉軍需

咸豐六年五月鹽政怡良奏淮南暫行試辦就場抽稅因



引地梗阻遵奉部議暫行試辦設廠抽稅之法於無可措手之中作暫時權宜之計茲自上年八月初一日起至年底止通屬各場稟報其抽岸鹽正稅錢二千四百五十六千六十九文又食鹽正稅錢三千八百五千九百五十五文泰屬各場稟報其抽岸鹽正稅錢一萬四千九百六十三千八百四十文又食鹽正稅錢九千二百九十九千四百九十八文總共報收正稅錢三萬四千四百四十五千三百十二文連前存正稅共錢五萬四千一百八十六千一百一文內除先後解過江甯兵餉案內錢四萬一千二百千文又江北糧臺大營軍需錢一萬千文按

照各場摺報實該存正稅錢二千九百八十六千一百一文容俟彙同續報正稅趕緊催提解濟軍餉

咸豐七年三月鹽政怡良奏淮南試辦就場抽稅原經奏明將徵解錢數每屆六月十二月各造報一次因上年正二兩月場河水淺販稀抽稅無幾三四五六等月亢旱異常鹽船不能出場稅錢更形短絀六月造報屆期經奏明統俟年終彙報在案查上年八月中旬以後始得雨澤通屬各場地處裏上河水勢旋長旋消鹽難行運泰屬各場地處裏下河稍通舟楫無如場竈因久旱土燥滷氣不升兼之蕩草稀少迨至霜降以後鹽花歸

土產鹽不能湧旺加以東壩以上賊蹤靡定販戶寥寥  
茲自咸豐六年正月起至年底止通屬各場報收岸鹽  
正稅錢一千二百三十一千五百四十四文又食鹽正  
稅錢三千一百五十二千七百五十五文泰屬各場報收  
岸鹽正稅錢一萬七千九百七十五千四百四十二文  
又食鹽正稅錢五千五百七十三千一百三十二文共  
報收食岸正稅錢二萬七千九百三十二千八百六十  
八文又上年春間高淳設立卡局旋因賊擾東壩停止  
該卡補收正稅錢一千二百二十四千二百六十八文  
內據解銀四百九十九兩一錢三分應遵原案以銀一

兩合制錢二千文該錢九百九十八千二百六十七文解  
存常州府庫計解運司衙門錢二百二十六千八文又  
江南分設鹽釐總局補收正稅錢一千五百五千一百  
二十文亦存常州府庫總共收正稅錢三萬六百六十  
二千二百五十六文連五年年底止截存正稅錢二千  
九百八十六千一百一文共正稅錢三萬三千六百四  
十八千三百五十七文內除先後解過江北大營糧臺  
軍需錢二萬四千千文按照各場卡報收該存正稅錢  
九千六百四十八千三百五十七文內除常州府庫存  
錢二千五百三千三百八十文實該存運庫錢七千一

百四十四千九百七十七文容俟彙同續報正稅趕緊  
催提報解所有江南鹽釐總局抽補釐稅係截至上年  
十一月底止見仍咨催十二月分抽補正稅錢數彙入  
本年造報應飭令趕緊催提續報正稅彙同實存庫錢  
七千一百餘千文接濟軍餉

咸豐七年十一月鹽政何桂清奏淮南就場抽稅徵解數  
目業經造報至咸豐六年年底止查自本年正月起至  
七月初二止共收各場解到正稅錢三萬三千五百四  
千四百四十七文又據各場解到上年奏報冊內已報  
未解錢二千八百四十六千一百三十文內除解過江

北大營糧臺軍需錢三萬五千千文又除各場卡解到  
上年奏報冊內已報未解錢內以銀抵解錢一千八百  
十三千九十二文彙入銀冊核計又除江南卡局本年  
抽收錢二百九十二千二百四十文存儲常州府庫外  
實存庫錢二百四十五千二百四十五文又本年春間  
泰州設棧試辦抽稅商販請運場鹽至五百石以上者  
准以銀一兩合足制錢二千文其實收正稅銀一萬三  
千五百八十五兩六錢五分一釐五毫又本年場卡以  
銀抵解稅錢計銀二百八十六兩二錢一分四釐五毫  
又官運上江等四縣已收正稅銀九百九十兩共收銀

一萬四千八百六十一兩八錢六分六釐除解支過江  
臣漕臣及鹽屬各員養廉銀一萬八百五十二兩一錢  
八分五釐五毫該存銀四千九兩六錢八分五毫又場  
卡抵解上年已報未解稅錢計銀九百六兩五錢四分  
六釐共實在存庫銀四千九百十六兩二錢二分六釐  
五毫再各卡補稅錢文仍照案彙入各場造報

咸豐七年十一月鹽政何桂清奏咸豐七年下半課稅銀  
錢於咸豐七年七月初三日起至九月底止共徵收淮  
南鹽稅銀三萬五千一百兩零錢二萬三千一百九十  
千零較前稍有起色

咸豐八年二月鹽政何桂清奏淮南就場抽稅徵解數目  
業經報至咸豐七年九月底止今自十月初一日起至  
十二月底止續徵銀六萬二千一百九十九兩五錢九  
分一釐續徵錢一千三百八千六百五十七文連九月  
底之報數併計結總自咸豐七年七月起至十二月底  
止統共徵銀九萬七千三百一兩四錢七分八釐統共  
徵錢二萬四千四百九十九千二百七十三文除支解  
過甘肅兵餉改解安徽省軍需案內湊動銀一千八百四  
十一兩五錢一分又支解江北糧臺軍需銀二萬五千  
兩又支解舊欠紅單船經費銀一萬兩又支解舊欠水



師營軍需銀三萬兩又支解漕臣並運司衙門及鹽屬  
各員養廉銀七千七百八十四兩八錢七分六釐又支  
解江北糧臺軍需錢二萬四千千文實在存庫銀二萬  
二千六百七十五兩九分二釐存庫錢四百九十九千  
二百七十三文

咸豐八年八月鹽政何桂清奏淮南議改新章設立總局  
並於丁堰設立通屬分局東臺設立泰屬分局招徠商  
販納課請運曾經奏明試辦按半年一次具報在案所  
有自咸豐八年正月起至六月底止共徵收銀十四萬  
五千六百九兩四錢四分錢一千八百七十一千六百

五十五文解支過江北大營糧臺銀七萬兩江南大營糧臺銀四萬二千兩漕臣並鹽屬各員養廉銀七千一百九兩七錢九分三釐存庫銀二萬六千四百九十九兩六錢四分七釐錢一千八百七十一千六百五十五文留作江北軍需查署運使聯英到任後設法徵收淮南鹽課逐漸加增大有轉機見在本年上半年徵收數目比較上年下半年銀數又加增銀三萬數千兩

咸豐九年二月鹽政何桂清奏淮南議改新章設立總局分局招徠商販納課請運所有咸豐八年七月起至十二月庫止共徵收銀一十三萬七千四百七十一兩二

錢二分九釐錢六百四十四千文解支江北大營糧臺  
銀六萬兩安徽大營糧臺銀三萬五千兩江南大營糧  
臺銀一萬兩徐州糧臺銀五千九百二十五兩漕臣河  
臣並鹽屬各員養廉銀一萬八千一百六十八兩一錢  
存庫銀八千三百七十八兩一錢二分九釐錢六百四  
十四千文留作江北等營軍需臣查咸豐八年上半年  
共徵銀十四萬五千六百餘兩下半年適當揚州失事  
裏下河一帶民情惶惑商賈不通署運使聯英設法彈  
壓招徠實力稽徵是以比較上半年徵課數目尙不致  
十分短絀

咸豐九年八月鹽政何桂清奏淮南議改新章分設各局  
招徠商販納課請遵所有咸豐九年正月起至六月底  
止徵收正課銀十三萬七千五百八十兩四錢五分三  
釐錢二百二千八百文解支過皖省軍需銀五千兩又  
積欠甘餉畫撥皖省軍需銀一萬八千兩江北糧臺銀  
三萬兩又江南糧臺代江北支應仍歸江北報銷銀六  
萬五千兩漕臣河臣並鹽屬各員養廉銀一萬四千四  
百三十五兩六分八釐存庫銀五千一百四十五兩三  
錢八分五釐錢二百二千八百文留作江北等營軍需  
查淮鹽運道梗阻僅恃東壩一綫出江之路東壩池下

之定埠爲轉運總匯之所徽甯道鄧瀛本已在定埠抽  
釐濟餉本年春閒復於東壩迤上之烏溪芮家嘴等處  
設卡暫時收取過往鹽捐作爲撫恤之用商販成本增  
重聞風裹足幾將停運向來以鹽爲生之巢湖船戶無  
利可圖復有勾結逆匪內犯拆局之謠經臣嚴飭該道  
迅速將烏溪等處卡局悉行裁撤准其在宣城等縣本  
境酌抽銷售食鹽之釐以資撫恤而總理甯國糧臺之  
浙江候補道許烺因烏溪等卡局捐數較多復有歸併  
糧臺常充軍餉之請又經臣將裁撤緣由咨明浙江撫  
臣胡興仁查核飭知自裁局後商販仍照常運行是以

咸豐九年上半年徵課數目比較八年下半年尙屬相仿

兩淮鹽法志卷一百一十二

兩淮鹽法志卷一百十三

徵權門

淮南奏銷二

同治二年正月鹽政曾國藩奏報咸豐九年下半年至同治元年上半年課稅銀錢清摺

一咸豐九年下半年自七月初一日起至十二月底止  
共徵收銀十四萬九千九百三十六兩九分一釐錢四  
十四千一百六十文 一咸豐十年上半年自正月初  
一日起至六月底止共徵收銀八萬四千八百六十三  
兩七錢九分六釐 一咸豐十年下半年自七月初一



日起至十二月底止共徵收銀九萬四千七百二十六兩四錢九分九釐錢一百九十四千四百文 一咸豐十一年上半年自正月初一日起至六月底止共徵收銀十三萬五千八百五十八兩六錢四分二釐錢二千七百六十文 一咸豐十一年下半年自七月初一日起至十二月底止共徵收銀八萬七千三百九十五兩七錢五分七釐 一同治元年上半年自正月初一日起至六月底止共徵收稅課銀九萬五千五百五兩六錢六分三釐又外江鹽釐銀七萬九千一百五兩九錢四釐又外江內河鹽釐錢七萬六千四百二十六

千三百七十八文

以上各年徵收稅課鹽釐銀錢均分別解支江皖軍需水陸營餉並支銷鹽屬養廉儘數解支無存

同治二年六月鹽政曾國藩奏淮南試行稅鹽奏明按半年一次造報茲查同治元年七月起至十二月止共徵稅課銀十三萬六千九百八十兩三錢九分八釐又外江鹽釐銀十一萬七千七百七十九兩七錢八分二釐又外江內河鹽釐錢十三萬六千七百九十九千三百六十四文除隨時解支江皖軍需水陸營餉並支銷鹽屬養廉外計存外江鹽釐銀二千四百四十六兩九錢

一分七釐一毫錢六千三百三十二千六百五十三文  
已彙入二年分徵收銀錢分別湊解軍需核計下半年  
課釐比較上半年所收數目均屬有盈無絀

同治三年五月鹽政曾國藩奏報同治二年上下半年課

釐銀錢清單

一自同治二年正月起到六月底止共徵收課銀十萬  
六千七百四十八兩八錢四分七釐又外江鹽釐銀五  
萬八百八十七兩八錢八分九釐又外江內河鹽釐錢  
四萬九千七百五十六千一百四十八文 一自同治  
二年七月起至十二月底止共徵收課銀十二萬五千

五百三十九兩五錢七分一釐又外江鹽釐銀十四萬三千二百四十八兩一錢五分六釐五毫又外江內河鹽釐錢十三萬四百三十五千五百二十八文

以上徵收課釐除分別解支江皖軍需水陸營餉並支銷鹽屬養廉外實存銀四千九百八十七兩四錢一分九釐五毫錢一萬五千七百十六千三十五文

同治三年正月鹽政曾國藩奏定淮南新章向來鹽課按半年奏報一次今擬將各處彙收鹽釐亦分上下半年隨課並報以便部臣有所稽考戶部議奏查淮南鹽課例應次年二月奏銷自道光二十三年引滯商疲分限

於二月題報一次八月題報全完該督擬按半年奏報  
一次與從前分報年限尙屬相符釐金隨課報部亦屬  
周密均應如所奏辦理至奏銷冊結應仍令於次年二  
月造送到部毋稍遲延奉

旨依議欽此

同治三年十二月鹽政曾國藩奏開辦新章以來江西銷  
路漸通湖南新鹽銷售亦旺湖北則因川私過多寇警  
疊至大有滯銷之虞全綱統計自本年正月起至六月  
底止比較歷年收數又有起色謹將課釐徵收數目彙  
開清單

一收各岸鹽課銀十一萬五千八百八十七兩二錢九分七釐 一收楚岸鹽釐銀四萬七千九百六十七兩九錢二分 一收西岸鹽釐銀二十二萬七千一百六十八兩八錢八分 一收皖岸鹽釐銀五萬四千八百八十五兩六錢 一收外江鹽釐銀六萬四百十二兩七錢六分三釐五毫 一收內河鹽釐錢十一萬五千四百零五千五百三十二文 以上上半年共收課釐銀五十萬六千三百二十二兩四錢六分五毫共收鹽釐錢十一萬五千四百零五千五百三十二文

同治四年閏五月鹽政曾國藩奏報同治三年經徵課釐

自七月起至十二月底止比較歷年收款其數日增而用出之款其途甚廣數亦甚鉅謹將出入大數彙開清單

銀數入款 一收各岸鹽課銀十六萬七千三百五十七兩五錢八分八釐 一收鄂岸鹽釐銀三十二萬二千八百二十八兩八分四釐九毫五絲 一收湘岸鹽釐銀十四萬九千一百四十五兩四錢八釐 一收西岸鹽釐銀五十六萬二千六百三十三兩四分 一收皖岸鹽釐銀十萬二千四百六十一兩九錢七分五釐 一收外江食岸鹽釐銀三萬九千五百八兩八錢一

釐 以上下半年共收課釐銀一百三十四萬三千九百三十四兩八錢九分六釐九毫五絲又上半年截存外江鹽釐銀二千五百五兩五錢八分二釐

銀數出款 一解江北糧臺及皖省軍需暨支放鹽屬各員養廉課銀十六萬七千三百五十七兩五錢八分八釐 一解湖北釐局鹽釐歸鄂省收用軍需銀十一萬三千一百七十八兩四錢六分五毫 一解吳城釐局鹽釐歸江西收用軍需銀九萬一千二百十六兩五錢 一解揚州鎮江糧臺軍需銀六萬一千八百六十一兩九分二釐八毫 一解九江關稅銀一萬二千二



百八十六兩一錢五分五釐三毫五絲 一解京口都

統旗綠兩營兵餉銀四千五百兩 一解安慶牙釐局

轉發各營軍需銀五十四萬二千九百三十六兩三錢

三分九釐九毫二絲五忽 一解安慶糧臺轉發各營

軍需銀八萬四千八百八十三兩八錢四分五釐三毫

七絲五忽 一解金陵大營及湘省東征局支發凱撤

各營欠餉銀十八萬七千五百四十四兩六錢二分九

釐三毫一絲四忽 一支挑河築壩工需銀一萬五千

七十六兩六錢四分 以上共解支課釐銀一百二十

八萬八百四十一兩二錢五分一釐二毫六絲四忽實

存各局銀六萬五千五百九十九兩二錢二分七釐六毫八絲六忽

錢數入款 一收內河鹽釐錢十九萬一千二百三十二千二十八文又上半年截存錢一萬一千五百八十八千四百四十八文

錢數出款 一解鎮江揚州軍營錢四萬九千五百三千九百九十三文 一解安徽壽州軍營錢三萬八千四百五十二千二百四十二文 一解清淮防費錢三萬八千八百三千文 一支兩淮運使礮船口糧錢八千八百五十一千三百六十文 一解京口都統旗綠

兩營兵餉錢六千六百五十四千七百五十文 一支  
挑河築壩工需錢二萬二千六百六千五百二十五文  
以上共解支錢十六萬四千八百七十一千八百七  
十文實存運庫錢三萬七千九百四十八千六百六文  
同治四年十二月署鹽政李鴻章奏自同治四年正月起  
至六月底止收數漸增而留防及遣撤各軍待用孔急  
爲數甚鉅謹彙開清單

銀數入款 一收各岸鹽課銀十八萬六千四百三十  
七兩七錢六分六釐 一收鄂岸鹽釐銀三十五萬五  
千九十二兩五錢三分八釐七毫五絲 一收湘岸鹽

釐銀二十三萬五千三百三十二兩七錢一分二釐五毫一忽 一收西岸鹽釐銀四十九萬七千六百七兩九錢一分七釐五毫 一收皖岸鹽釐銀七萬五千八百六十一兩五釐 一收外江食岸鹽釐銀四萬六千五百七十七兩六錢七分八釐 以上上半年共收課釐銀一百三十九萬六千九百一十兩一錢一分二釐七毫五絲一忽又上年截存各局鹽釐銀六萬五千五百九十九兩二錢二分七釐六毫八絲六忽又湘岸續報存銀四百九十二兩八錢

銀數出款 一解江北糧臺皖省軍需暨支放鹽屬各

員養廉銀十八萬六千四百三十七兩七錢六分六釐

一解湖北釐局鹽釐歸鄂省收用軍需銀十一萬二千二百四十一兩六分二釐五毫 一解吳城釐局鹽

釐歸江西收用軍需銀八萬一千六百六十五兩三錢

四分三釐七毫五絲 一解揚州鎮江糧臺軍需銀五

萬四千二百三兩一錢五釐 一解九江關稅銀一萬

二千六百十四兩四錢九分 一解金陵大營軍需銀

三萬七千六百十四兩一錢五分二釐 一解京口旗

綠兩營兵餉銀一萬五百兩 一解安慶牙釐局轉發

各營軍需銀四十二萬八千三百二十五兩四錢八分

九釐三毫七絲五忽 一解安慶糧臺轉發各營軍需  
銀十九萬二千三百二十七兩五錢六分一釐四毫六  
絲五忽 一解湖南東征局兌撥各營欠餉銀二萬兩  
一解湖南東征局轉解江西糧臺發給霆營川資銀  
一萬九千二百八十六兩四錢三釐八絲五忽 一補  
發提督伍維壽欠餉銀三百八十五兩七錢二分八釐  
六絲一忽 一補發吉中公字等營欠餉銀三萬八千  
四百五十六兩八錢三分四釐一毫三絲五忽 一解  
金陵糧臺軍需銀九萬三千三百二十三兩八分一釐  
五毫二絲 一解兵部侍郎彭玉麟營軍需銀七千五

百八十六兩一錢五分 以上其解支課釐銀一百二十九萬四千九百六十七兩一錢六分六釐八毫九絲一忽實存湘局鹽釐銀十六萬八千三十四兩九錢七分三釐五毫四絲六忽已歸下屆軍需內撥用

錢數入款 一收內河鹽釐錢十五萬五百二十七千二十八文又上年截存錢三萬七千九百四十八千六百六文

錢數出款 一解揚州軍營錢四萬一千六百五十三千九百七十四文 一解京口旗綠兩營兵餉錢一萬四千五百六十五千文 一由運庫支銷修築閘壩等

項錢二萬二千九百千七百十文 一支銷挑河工需  
錢三千五百二十五千八百文 一解皖營軍需錢四  
萬六百四十九千六百四十四文 一解清淮防費錢  
四萬一千三百二十七千三百二十八文 一支銷礮  
船口糧錢七千六百八十一千八百八十文 以上共  
解支錢十七萬二千三百四十三百三十六文實存運  
庫錢一萬六千一百七十一千二百九十八文

同治五年九月署鹽政李鴻章奏自同治四年七月起至  
年底止共收課釐以上半年收數並計較三年分增一  
百餘萬之多惟統師日久費用浩繁以入抵出不敷尙



多謹彙開清單

銀數入款 一收各岸鹽課銀十三萬五千五兩一錢四分四釐 一收鄂岸鹽釐銀四十三萬四千兩 一收湘岸鹽釐銀四十一萬四千六百三十四兩七分二釐二毫五忽 一收湘岸借運皖鹽扣存鹽釐銀七千三十三兩四錢九分二釐二毫一忽 一收西岸鹽釐銀六十三萬七千八百十六兩六錢二分 一收皖岸鹽釐銀十三萬一千八百五十六兩七錢二分五釐 一收外江食岸鹽釐銀三萬八千八百二十二兩二錢九分五釐 以上下半年共收課釐銀一百七十九萬

九千一百六十八兩三錢四分八釐四毫六忽又上半  
年截存鹽釐銀十六萬八千三十四兩九錢七分三釐  
五毫四絲六忽

銀數出款 一解皖省軍需及奉撥部餉暨支放鹽屬  
各員養廉鹽課銀十三萬五千五兩一錢四分四釐

一解湖北釐局歸鄂省收用軍需銀二十一萬三千五  
百十七兩七錢七分六釐五毫四絲八忽 一解湖南  
釐局歸湘省收用軍需銀十二萬四千二百二十一兩  
七錢八釐六絲六忽 一解吳城釐局歸江西收用軍  
需銀十萬四千六百七十四兩五錢 一解九江關稅

銀二萬一千九百八十五兩六錢五分三釐八絲二忽

一解安慶糧臺轉發督臣曾國藩隨征留防暨遣撤各營軍需銀三十六萬一千五百二兩九錢五分五釐

一解金陵糧臺轉發剿捻各營軍需銀二十三萬三千六百三十兩 一解兵部侍郎彭玉麟水師營軍需

銀六萬七千三百七十六兩五錢九分二釐八毫六絲

一解統帶湘軍甘肅安肅道蔣凝學營卹賞銀一萬

二千一百八十二兩六錢九分 一湖南江西督銷局

分解督臣曾國藩舊部副後吉左長勝等營薪糧欠餉

銀六十萬一百四十九兩七錢一分二釐九絲 一解

東征局轉解江西糧臺發給提督鮑超營川資銀四千七百九十八兩四錢六分四釐四毫九絲一忽 一支老湘營添募剿捻新勇軍需銀二千八百七十九兩七分八釐六毫九絲五忽 一支湘前等營撤勇欠餉銀六萬一千五百十六兩三錢一分四釐七毫七絲九忽 一支畫解招商局應納官運預釐銀一千六百八十九兩 一應支湖南督銷局官運引內須扣鄂湘鹽釐及九江關稅銀六萬九千一百二兩四錢三分三釐四毫九絲三忽 一應支湖南督銷局皖鹽運湘引內須扣鄂湘鹽釐銀四萬四千七十七兩八錢六分二釐五毫

一支扣還江西督銷局墊解藩司劉連捷提督朱南  
桂朱洪章三軍軍需銀九千九百八十三兩二錢九分  
一支督臣曾國藩營務處吳坤修在西岸督銷局領  
軍需銀二千八百兩 一支提督鮑超委知府李宗潮  
在西岸督銷局領軍需銀二千八百八十兩 一解長  
江水師提督黃翼升營軍需銀八千五十二兩 一解  
提督王可陞營軍需銀八千八百二十三兩七錢九分  
四釐 一解京口旗綠兩營兵餉銀九千兩 一解金  
陵支應所軍需銀二萬二千七百九十二兩四錢三分  
四釐 以上共解支銀二百十二萬二千六百三十四

兩四錢三釐六毫四忽以收抵支除運庫實存食岸鹽銀七千二十九兩八錢六分一釐外計江西督銷局不敷銀六萬三千二兩九分六釐八毫六絲湖南督銷局不敷銀九萬九千四百五十八兩八錢四分五釐七毫九絲二忽均應俟本年續收鹽釐扣還歸款

錢數入款 一收內河鹽釐錢十七萬七千九百三十二千四百九十四文又上半年截存錢一萬六千一百七十一千二百九十八文

錢數出款 一解江甯布政司轉發兩江督協四營兵餉等錢三萬二千二千八百十三文 一解京口

旗綠兩營兵餉錢一萬二千七百六千五百文 一解  
金陵支應所軍需錢二萬九千五百六十四千一百二  
十五文 一解皖營軍需錢三萬三千二百六十七  
百十五文 一解清淮防費錢三萬八千八百八十六  
千四百文 一解銷礮船口糧錢五千二百四十一千  
文 一支銷堵壩工料錢七千五百千文 以上共解  
支錢十五萬九千一百三十六千五百五十三文實存  
運庫錢三萬四千九百六十七千二百三十九文

同治六年八月鹽政曾國藩奏同治五年正月起到六月  
底止比較乙丑上半年收數相仿而京外各餉需用浩

繁以入抵出仍計虧墊銀十萬餘兩尙待籌補至南甯近日情形課釐雖不致短收而場岸均未見起色就岸務而論全賴轉輸迅速則一年可運兩檔之鹽本益輕而利益厚今楚省最暢之岸竟爲川私占奪之區加以賊蹤踞鄂日久水販裹足漢局存積淮鹽不下八萬餘引之多前引旣難疏通後運卽多停滯此岸鹽未能疏銷之情形也就場務而論通泰兩屬場垣軍興後半多廢棄近年疊飭各場添購新鐵修整荒亭爲規復額產之計而殷商太少資本甚微不免顧此失彼去秋清水潭決口場竈被淹舊商則拮据更甚新商則招致爲難



此場鹽未能廣收之情形也見議緩收場商應納之課  
嚴查楚岸無稅之私以冀場產日增岸銷漸暢謹將淮  
南同治五年正月起到六月底止收解鹽課鹽釐分晰  
開呈

銀數入款 一收各岸鹽課銀十九萬三千一百四十  
八兩六錢四分五釐 一收鄂岸鹽釐銀三十三萬四  
千七百六十九兩四錢八分八釐 一收湘岸鹽釐銀  
二十九萬五千一百十六兩四錢三分六釐六毫四絲  
九忽 一收西岸鹽釐銀四十一萬一千二百八十九  
兩四錢三分一釐 一收皖岸鹽釐銀九萬八千七百

九兩六錢、一收外江食岸鹽釐銀六萬二千五百四十四兩三錢三分 以上上半年共收課釐銀一百三十九萬五千五百七十七兩九錢三分六毫四絲九忽 又上屆運庫截存鹽釐銀七千二十九兩八錢六分一釐

銀數出款 一解戶部鹽課銀十五萬兩 一解內務府鹽課銀一萬兩 一解皖省軍需暨支放鹽屬各員養廉鹽課銀三萬三千一百四十八兩六錢四分五釐 一解湖北釐局歸鄂省收用軍需銀十四萬五千八百三十八兩二錢七分五釐七毫七絲九忽 一解湖

南釐局歸湘省收用軍需銀五萬二千一百八十四兩一分八釐二毫二絲一忽 一解吳城釐局歸江西收用軍需銀九千七百三十二兩 一解九江關稅銀一萬八千四百十兩六錢一分七釐九毫八絲三忽 一解安慶糧臺轉發剿擒各營軍需銀十六萬四千九百二十兩五錢七分七釐七毫五絲 一解金陵糧臺轉發剿擒各營軍需銀二十三萬六千九百六十七兩九錢二分一釐六毫一絲七忽 一解金陵支應所轉發剿擒各營軍需銀十一萬九千七兩七錢五分 一解兵部侍郎彭玉麟水師營軍需銀十二萬五千八百九

十六兩六錢一分四釐九毫二絲六忽 一湖南江西  
督銷局分解臣舊部長勝副後南連湘前銖字等營遣  
撤欠餉銀十四萬一百六十二兩五錢一分四釐二毫  
一絲一忽 一解皖南鎮劉松山營軍需銀五萬七千  
五百八十一兩五錢七分三釐八毫九絲六忽 一解  
員外郎李昭慶營軍需銀三萬八千三百八十七兩七  
錢一分五釐九毫三絲一忽 一解提督王可陞營軍  
需銀二萬九千二百二十兩七錢一分七釐 一解京  
口旗緣兩營兵餉銀九千兩 一畫還江西督銷局上  
屆不敷銀六萬三千二兩九分六釐八毫六絲 以上

共解銀一百四十萬三千四百六十一兩三分九釐一毫七絲四忽以收抵支除運庫實存外江鹽釐銀八千三百五十九兩七錢五分二釐外計湖南督銷局不敷銀九千二百十二兩零連上屆共計不敷銀十萬八千六百七十一兩零應俟續收鹽釐扣還歸款

錢數入款 一收內河鹽釐錢十七萬九百七十二千八百二十三文又上屆運庫截存錢三萬四千九百六十七千二百三十九文

錢數出款 一解金陵糧臺軍需錢七千六百五十四千八百八文 一解金陵支應所軍需錢一萬二千二

百十五千文 一解京口旗綠兩營兵餉錢一萬八百  
四十八千七百五十文 一解安徽撫臣營軍需錢四  
萬五千一百四十九千三十六文 一解漕臣清淮防  
費錢四萬四百一十文 一解江甯布政司轉發督協  
四營兵餉等錢四萬五千八百一十一千六百四十文  
一支修築各壩工需等錢二萬五千六百五十九千三  
百五十文 一支礮船口糧錢二千二百六十六千六百  
四十四文 以上共解錢十九萬串二百二十八文實  
存運庫錢一萬五千九百三十九千八百三十四文

同治六年十二月鹽政曾國藩奏同治五年七月起下半

年課釐比較四年下半年收數略絀其未能暢銷之由緣鄂岸川私徧地充斥不禁則淮引之被占良多驟禁則楚省之餉需無著前定加收鄰稅原冀重鄰本以疏淮銷不謂行之日久弊隨法生官則懈於稽查販則巧於偷漏名完一斤之稅暗運兩斤之鹽不獨川私爲然卽江西湖南之閩私粵私情形亦復相同見雖逐加整頓認真掣驗而稍減無稅之鄰私未收暢淮之成效謹將淮南同治五年七月起至十二月底止收解鹽課鹽釐分晰開呈

銀數入款 一收各岸鹽課銀二十五萬八千七百五

十五兩五錢二分 一收鄂岸鹽釐銀三十三萬九千二百七十五兩二錢七分八釐八毫七絲五忽 一收湘岸鹽釐銀三十萬一百二十五兩六錢六分九釐一毫七絲七忽 一收西岸鹽釐銀四十八萬一千五百五十七兩三錢九分 一收皖岸鹽釐銀十一萬八千一百七兩 一收外江食岸鹽釐銀二萬六千七十七兩七錢四分三釐 以上下半年共收課釐銀一百五十二萬三千八百九十八兩六錢一釐五絲二忽又上半年運庫截存鹽釐銀八千三百五十九兩七錢五分二釐



銀數出款 一解戶部鹽課銀十五萬兩 一解內務  
府鹽課銀二萬兩 一解皖省軍需並江甯長年兵餉  
暨支放鹽屬各員養廉銀八萬八千七百五十五兩五  
錢二分 一解湖北釐局歸鄂省收用軍需銀十五萬  
六千三百七十七兩五錢五分九毫八絲四忽 一解  
湖南釐局歸湘省收用軍需銀五萬五千四百六十七  
兩七錢八分一釐一絲七忽 一解九江關稅銀二萬  
八百四十七兩五錢五分三毫六絲六忽 一解安慶  
糧臺轉發剿捻各營軍需銀四萬七千六百五十八兩  
四錢七分五釐九毫六絲二忽五微 一解金陵糧臺

轉發剿捻各營軍需銀五十萬四千七百二十二兩八錢三分一釐四毫一絲二忽五微 一解金陵支應所暨後路糧臺轉發剿捻各營軍需銀十四萬九千七百二十五兩 一解兵部侍郎彭玉麟水師營軍需銀十六萬四千六百三十一兩五錢六分 一解皖南鎮劉松山營軍需及募勇經費銀六萬七千一百七十八兩五錢二釐八毫八絲六忽 一解員外郎李昭慶營軍需銀五萬七千五百八十一兩五錢七分三釐八毫九絲六忽 一解長江水師提督黃翼升養廉銀二千五百兩 一解京口旗綠兩營兵餉銀九千兩 一畫還

湖南督銷局上屆不敷銀二萬七千六百五十八兩六錢四分三釐五毫二絲八忽 以上共解銀一百五十二萬二千一百四兩九錢九分五絲二忽以收抵支除運庫實存外江鹽釐銀一萬一百五十三兩三錢六分三釐外計湖南督銷局合上屆仍不敷銀八萬一千二三兩零俟續收鹽釐畫還歸款

錢數入款 一收內河鹽釐錢十三萬六千五百二十五千五百六十三文又上屆運庫截存錢一萬五千九百三十九千八百三十四文

錢數出款 一解京口旗綠兩營兵餉錢一萬二千九

百五十七千文 一解安徽撫臣皖營軍需錢三萬一  
千三百五十一千五百四十九文 一解漕臣清淮防  
費錢三萬一千九百九千四百文 一解江甯布政司  
轉發督協四營兵餉等錢三萬一千八百六十九千二  
百四十文 一支修築各壩工需等錢一萬八千九百  
六十六千二百四十文 一支礮船口糧及緝私經費  
錢五千六百三十二千一百八十八文 以上共解錢  
十三萬二千六百八十五千六百七十七文實存運庫錢  
一萬九千七百七十九千七百八十文

同治七年五月鹽政曾國藩奏同治六年上半年課釐銀

錢分計課數則見增合計釐數則較絀由鄰私之占奪過多各岸之鹽價日貴從前鹽務盛時已嫌岸價過重况新章之釐倍於曩時之課定價之不能遽減皆由軍餉之不能遽裁然初定章時銀價尙賤水販赴局買鹽轉鬻鋪戶收錢易銀有利可獲近則各岸銀價每兩較前增至二三百文不等居民以價昂而買食鄰私販戶以本重而相率裹足若非酌輕售價不足以廣招徠臣見飭楚岸西岸每引減去售價一兩八錢皖岸每引減去售價銀一兩二錢其所減之價皆在於鹽釐商本之內分別核扣稍示恤販之恩或收敵私之效雖淮澁果

否暢銷尙未可知而目前補偏救弊之道舍此亦別無  
良法謹將淮南同治六年正月起至六月底止上半年  
收解鹽課鹽釐分晰開呈

銀數入款 一收各岸鹽課銀三十萬一千一百六十  
五兩三錢三分八釐 一收鄂岸鹽釐銀二十三萬八  
千二十六兩四錢九分二釐四毫 一收湘岸鹽釐銀  
二十五萬八千八百十三兩一錢七分九釐 一收西  
岸鹽釐銀三十三萬三千七百八十三兩九錢三釐  
一收皖岸鹽釐銀八萬七千四百二十三兩六錢 一  
收外江食岸鹽釐銀九千九百十三兩九錢八分一釐

以上上半年共收課釐銀一百二十二萬九千一百二十六兩四錢九分三釐四毫又上年截存鹽釐銀一萬一百五十三兩三錢六分三釐

錢數出款 一解戶部鹽課銀十五萬兩 一解內務府鹽課銀一萬兩 一解安徽等處軍需暨支放鹽屬各員養廉銀十四萬一千一百六十五兩三錢三分八釐 一解湖北釐局歸鄂省收用軍需銀十一萬七千三百十九兩七錢九分四釐 一解湖南釐局歸湘省收用軍需銀四萬七千八百三十二兩六錢五釐 一解九江關稅一萬五千五百二十八兩九錢四分五毫

一解金陵糧臺轉發剿捻各營軍需銀三十七萬六千三十六兩九錢二釐五毫 一解金陵支應所暨後路糧臺轉發剿捻各營軍需銀九萬八百四十二兩二分八釐 一解兵部侍郎彭玉麟水師營軍需銀十四萬八千二百九十兩九錢四分五釐四毫 一解皖南鎮劉松山營軍需銀五萬七千五百八十一兩五錢七分四釐 一解員外郎李昭慶營軍需銀一萬九千一百九十三兩八錢五分八釐 一解長江水師提督黃翼升養廉銀二千八百三十二兩六錢 一解京口旗綠兩營兵餉銀九千兩 一解江甯布政司庫支放黃



翼升養廉扣存平餘銀二百四十七兩三錢六分六釐

一畫還湖南督銷局上屆不敷銀五萬一千六百七

兩一錢五釐 以上共解銀一百二十三萬七千四百

七十九兩五分六釐四毫以收抵支除運庫實存外江

鹽釐銀一千八百兩八錢外計湖南督銷局仍不敷銀

二萬九千四百六兩零俟續收鹽釐畫還歸款

錢數入款 一收內河鹽釐錢九萬九千三百一十

百九十五文又上半年截存錢一萬九千七百七十九

千七百八十文

錢數出款 一解京口旗綠兩營兵餉錢一萬一千三

百十千文 一解安徽撫臣軍需錢二萬九千一百五十七千三百六十五文 一解漕臣清淮防費錢二萬九千一百五十五千二百五十文 一解江甯布政司轉發督協四營兵餉等錢二萬九千一百二十八千二百九十文 一支修築各壩工需等錢一萬六千六百七十七千七百文 以上共解錢十一萬五千四百二十八千六百五十五文實存運庫錢三千六百五十二千三百七十文

兩淮鹽法志卷一百十三